



INTERNATIONAL  
OLYMPIC  
COMMITTEE

CONFIDENTIAL

OLIMPIJSKI KOMITET BIH

Odjel za pravne poslove

GRAD SARAJEVO

Ref. No. Sarajevo 1984.

By e-mail

Datum:

#### **40. godišnjica Zimskih olimpijskih igara održanih u Sarajevu 1984. godine**

Poaštovani gosp. Ademović,

Ovo pismo odnosi se na proslavu **40. godišnjice** (u daljnjem tekstu "Godišnjica") **Olimpijskih (Zimskih) igara Sarajevo 1984. godine** (u daljnjem tekstu "**Sarajevo ZOI 84.**"). Godišnjica se održava **od 01.11.2023. do 01.11.2024.**, te se sastoji od raznih aktivnosti i inicijativa koje se odvijaju u cijelom svijetu ("**cijeli svijet**"), kako je preliminarno definisano u Aneksu 3, a koje će **Olimpijski komitet Bosne i Hercegovine ("OKBIH")** i **Grad Sarajevo ("Grad Sarajevo")** poduzeti i/ili nadgledati, uz prethodno odobrenje Međunarodnog olimpijskog komiteta ("**MOK**"). Sadržaj ovog pisma i njegovih aneksa (i svih naknadno dodanih) čine „Sporazum“.

MOK je međunarodna nevladina neprofitna organizacija s misijom, ulogom i odgovornostima koje su joj dodijeljene Olimpijskom poveljom, da upravlja i vodi olimpijski pokret i promoviše olimpizam širom svijeta. Olimpijske igre su isključivo vlasništvo MOK-a, koji posjeduje sva prava u vezi s njima. Organizaciju, planiranje, održavanje i domaćinstvo **Sarajevo ZOI 1984. godine** su delegirani od strane **OKBIH** i **Grada Sarajeva** Organizacijskom odboru **Sarajevo ZOI 1984.**, u skladu s Olimpijskom poveljom te uz kontrolu i rukovođenje MOK-a. **OKBIH** i **Grad Sarajevo** ovim potvrđuju da su sva prava, naslovi, interesi i imovina stvorena, naručena, stečena ili dobivena u skladu ili u vezi sa **Sarajevo ZOI 1984. ("Vlasništvo Sarajevo ZOI 1984.")** isključivo vlasništvo MOK-a i, u skladu s Olimpijskom poveljom, integrirani su u Olimpijsku imovinu (kako je definirana samom Olimpijskom poveljom).

MOK je saglasan podržati **OKBIH** i **Grad Sarajevo** u obilježavanju nasljeđa **Sarajevo ZOI 1984.** i promociji dobrobiti organizacije godišnjice is tim ciljem, pružiti pristupa sredstvima i uslugama kao što su Olimpijska multimedijalnu biblioteku MOK-a i bazu podataka fotografija i audio-vizualnog sadržaja, te resursima iz Olimpijskog centra za studije i izložbi Olimpijskog muzeja (pod posebnim uvjetima), ali i druge resurse.

Ovim Sporazumom se formalizira saradnju između **OKBIH-a** i **Grada Sarajeva** s jedne strane, **MOK-a** i **Grada Sarajeva** s druge strane, te utvrđuju odredbe i uslovi za korištenje određene olimpijske imovine od strane **OKBIH** i **Grada Sarajevo**, ili treće strane u suradnji s **OKBIH** i **Gradom Sarajevom**.

MOK je, prije ovog Sporazuma, dodijelio **OKBIH i Gradu Sarajevo** pravo izrade amblema godišnjice za događaje, čiju je izradu i odobrio. Korištenje amblema godišnjice od strane **OKBIH i Grada Sarajeva** podliježe posebnim uslovima navedenim u Aneksu 2. ovog Sporazuma.

**OKBIH i Grad Sarajevo** s jedne strane i MOK s druge strane, saglasni su da će se međusobno obavještavati o planiranju godišnjice i detaljima realizacije kako bi se olakšala promocija i komunikacija u vezi sa obilježavanjem godišnjice od strane MOK-a. **OKBIH i Grad Sarajevo** pristaju dati MOK-u sva novostvorena imovinska prava u povodu obilježavanja godišnjice, uključujući zbirku fotografija, video zapisa, intervjua i artefakata, te pristaju surađivati s **MOK-om i Svjetskom unijom olimpijskih gradova** na dokumentiranju godišnjice.

Ljubazno vas molimo da potvrdite svoju saglasnost sa Sporazumom supotpisom u nastavku.

S poštovanjem,

Carlos Castro

Voditeljica Odjela za intelektualno vlasništvo

Marie Sallois

Direktor korporativnog i održivog razvoja

Pročitano i prihvaćeno, u ime OKBIH

---

Ime: Prof. dr. Izet Radžo

Titula: rpedjednik OK BIH

Pročitano i daje se saglasnost, u ime Grada Sarajeva

---

Ime: Prof. dr. Benjamina Karić

Titula: gradonačelnica Grada Sarajeva

## ANEKS 1 – OPĆI USLOVI

### 1. OLIMPIJSKA POVELJA

1.1 Svi uslovi i odredbe ovog Sporazuma podliježu odredbama Olimpijske povelje koja je na snazi od 26. juna 2019., uključujući pravila i podzakonske akte i akte kojima su ovi dokumenti u međuvremenu ažurirani („Olimpijska povelja“). U slučaju bilo kakve nedosljednosti između odredaba ovog Sporazuma i Olimpijske povelje, odredbe Olimpijske povelje imaju prednost. Bez obzira na prethodno navedeno, i ako je nešto primjenjivo u skladu s kontekstom, sve reference na Olimpijsku povelju u ovom Sporazumu, odnose se na odgovarajuće izdanje Olimpijske povelje koje je na snazi u to vrijeme.

### 2. PRAVA INTELEKTUALNOG VLASNIŠTVA

2.1 U skladu s Olimpijskom poveljom, OKBIH i Grad Sarajevo priznaju i potvrđuju da sviaka radnja, sadržaj, element ili imovina, proizvedeni, stvoreni, naručeni, dobiveni ili stečeni ("Radovi"), u vezi s Godišnjicom, bilo direktno od strane OKBIH i Grada Sarajevo ili u saradnji s bilo kojom od potrebnih trećih strana (kako je definisano u nastavku) (u daljnjem tekstu "Stvoreni sadržaj"), bit će u isključivom vlasništvu i u korist MOK-a, uključujući sva prava, naslova i udjele u i za Stvoreni sadržaj, i obuhvaća, bez ograničenja, bilo koje pravo intelektualnog vlasništva, a posebno, bilo koje autorsko pravo, koje će biti isključivo dodijeljeno MOK-u ("Povrat prava") pod uvjetom, međutim, da se to ne primjenjuje na elemente i imovinu za koje je MOK priznao zajedničko vlasništvo s OKBIH, odvojeno od ovog Ugovora.

2.2 U pogledu Stvorenog sadržaja, OKBIH i Grad Sarajevo će osigurati i garantovati MOK-u da neće kršiti prava trećih strana, posebno prava intelektualnog vlasništva; i u slučaju da Stvoreni sadržaj sadrži bilo kakav već postojeći materijal treće strane, bilo da se odnosi na OKBIH i/ili Grad Sarajevo ili bilo koju potrebnu treću stranu ("Vanjski sadržaj"), OKBIH i Grad Sarajevo će obavijestiti MOK. OKBIH i Grad Sarajevo će, uz iznimku bilo kojeg sadržaja koji su OKBIH i Grad Sarajevo naveli MOK-u: (i) potvrditi da su ishodili ili dali MOK-u sva dopuštenja za korištenje takvog Vanjskog sadržaja u Stvoreni sadržaj; (ii) dostaviti MOK-u kopiju pisanog dopuštenja na zahtjev; i (iii) pribaviti ili dodijeliti MOK-u, uz neisključivu, svjetsku, trajnu, besplatnu, prenosivu i podlicenciranu licencu koja osigurava korištenje bilo kojeg takvog Vanjskog sadržaja, kako je sadržano i povezano sa Stvorenim sadržajem, uključujući bez ograničenja pravo na distribuciju, reprodukciju, javnu izvedbu, informisanje javnosti i stavljanje na raspolaganje Vanjskog sadržaja, bez ikakvog ograničenja vremena, teritorija, formata, medija ili tehnologije, sada poznate ili kasnije razvijene ("Ovlaštenje treće strane").

### 3. LICENCA

3.1 MOK je saglasan staviti na raspolaganje OKBIH i Gradu Sarajevo, za korištenje u cijelom svijetu:

i) Imovinu Sarajevo ZOI 1984. i olimpijski simbol za nekomercijalnu upotrebu i promociju (npr. Simbol Olimpijskih igara, upotreba oznaka "Mjesto Olimpijskih igara" i "Domaćin Olimpijskih igara" i naslijeđenih ploča s pričama/ informativne ploče) u vezi sa Sarajevo ZOI 1984 prema posebnom odobrenju MOK-a i posebnim uslovima i odredbama;

ii) Imovinu Sarajevo ZOI 1984, uključujući audio-vizualni materijal i artefakte, koji su predmet određenih uslova i odredaba, za posebne nekomercijalne promocije i komunikacije Godišnjice (radi jasnoće, komercijalna i nekomercijalna razmjena – prodaja ili besplatno davanje – nije uključeno);

iii) Amblem Godišnjice, prema Aneksu 2, za specifičnu svrhu promocije i komunikacije povodom Godišnjice i za razvoj linije komercijalnih proizvoda godišnjice, koji će se prodavati/distribuirati samo tokom trajanja Godišnjice na teritoriju iz Sporazuma i prema posebnom odobrenju MOK-a i posebnim uslovima.

OKBIH i Grad Sarajevo mogu zatražiti pristup gore navedenom kontaktirajući Aurélie Lemouzy (aurelie.lemouzy@olympic.org).

3.2 Licenca dodijeljena prema stavu 3.1 podliježe ovim Općim uslovima (i svim posebnim uslovima i odredbama navedenim u odgovarajućem Aneksu ovog Sporazuma) za njihovu cjelovitu, činjeničnu i neiskrivljenu primjenu na

dosljedan način s MOK-ovim Smjernicama za korištenje olimpijske imovine od strane medijskih organizacija, 2018. (i sve izmjene i dopune ovih Smjernica) i sve druge smjernice u vezi s tim koje je utvrdio MOK, isključivo u svrhu Godišnjice ("Odobrenje"). Ovo Odobrenje je isključivo ograničeno na "Institucionalne svrhe", koje podrazumijevaju njihovu upotrebu od strane OKBIH i Grada Sarajeva povezanu s trećim stranama uključenim u Godišnjicu, isključivo u svrhu Godišnjice, tako da upotreba bude prethodno odobreno od strane MOK-a ("Obavezne treće strane"), za njihovu promociju Godišnjice, olimpijskih vrijednosti, olimpizma, MOK-a ili olimpijskog pokreta, koji ne smiju (i) izravno ili neizravno podržavati bilo koji proizvod, uslugu, marku treće strane ili politička, vjerska ili rasna propaganda; ili (ii) ostvarivati direktnu ili indirektnu komercijalnu korist, osim ako se takve komercijalne koristi generiraju za pokrivanje troškova povezanih s takvim institucionalnim korištenjem, u kojem slučaju je izričito potrebna prethodna pismena saglasnost MOK-a.

#### 4. POVJERLJIVOST

4.1 OKBIH i Grad Sarajevo će razmotriti sadržaj ovog Sporazuma, kao i sve informacije, dokumente ili druge podatke koje je MOK dao OKBIH i Gradu Sarajevo ili kojima su OKBIH i Grad Sarajevo imali pristup u skladu s ovim Sporazumom (koji se zajedno nazivaju "Povjerljive informacije"), kao povjerljivo i isključivo vlasništvo MOK-a. OKBIH i Grad Sarajevo se obavezuju i prihvaćaju čuvati tajnost svih povjerljivih informacija i neće ih otkriti, u cijelosti ili djelomično, bilo kojoj trećoj strani, te se neće koristiti povjerljivim informacijama, osim kako je dopušteno prema odredbama ovog Sporazuma, bez prethodnog pisanog odobrenja MOK-a. OKBIH i Grad Sarajevo vratit će MOK-u sve povjerljive informacije (uključujući sve njihove kopije i reprodukcije) i uništiti sve bilješke, izvještaje ili druge dokumente koji sadrže povjerljive informacije i izbrisati sve povjerljive informacije (i sve njihove kopije i reprodukcije) koje su u elektronskom obliku ili se na drugi način ne mogu vratiti MOK-u, nakon prestanka ovog Sporazuma iz bilo kojeg razloga ili na prvi pismeni zahtjev MOK-a. Osim za postizanje svrhe ovog Sporazuma, OKBIH i Grad Sarajevo neće, bez prethodnog pisanog pristanka MOK-a, otkriti, objaviti ili na bilo koji drugi način promovirati postojanje ovog Sporazuma ili odnose strana s MOK-om, uključujući, bez ograničenja, sredstva oglašavanja na bilo koji način, medije u bilo kojoj formi. Obaveze koje proizlaze iz ove odredbe ne prestaju raskidom ovog Sporazuma.

#### 5. TRAJANJE I PRESTANAK

5.1 Ovaj Sporazum i licenca stupaju na snagu nakon što ih potpišu sve strane i završavaju na navedeni datum osim ako se Sporazum ranije ne prestane kao što je to navedeno u ovom članu 5.

5.2 Bez obzira na gore navedeno, MOK može raskinuti ovaj Sporazum s trenutnim učinkom (i) u slučaju materijalnog kršenja od strane OKBIH i Grada Sarajevo bilo koje od svojih obveza prema ovom Sporazumu, koje, ako se može popraviti, nije ispravljeno u roku od sedam (7) radnih dana od primitka pismene obavijesti MOK-a; ili (ii) u slučaju prestanka postojanja, smrti, bankrota, insolventnosti, likvidacije ili raspuštanja OKBIH i Grada Sarajevo.

#### 6. GARANCIJE, ODŠTETE I ODGOVORNOSTI

6.1 Garancije: Svaka strana garantuje drugoj da, na datum ovog Sporazuma, ima punu moć i zakonsku ovlast izvršiti i isporučiti ovaj Sporazum i izvršiti svoje obveze prema ovom Sporazumu.

OKBIH i Grad Sarajevo također garantuju da će njihova primjena Odobrenja i provedba ovog Sporazuma, u svakom trenutku, biti u skladu sa svim primjenjivim zakonima i propisima, uključujući, ali ne ograničavajući se na, važeće zakone i propise o radu, druge važeće propise u odgovarajućoj oblasti i propise koji se odnose na društvenu odgovornost te sve važeće procedure, politike, smjernice i priručnike MOK-a koji su na bilo koji način priopćeni OKBIH i Gradu Sarajevo.

6.2 Obeštećenja: OKBIH i/ili Grad Sarajevo će obešteti i osloboditi MOK (uključujući njegove direktore, zaposlenike, agente, podružnice i predstavnike) od bilo kakvog potraživanja ili odgovornosti prema bilo kojoj trećoj strani za gubitak,

štetu ili ozljedu osoba ili imovine uzrokovanu na bilo koji čin ili zbog propusta OKBIH i/ili Grada Sarajevo ili Obaveznih trećih strana u vezi s ovim Sporazumom, a posebno s realizacijom Godišnjice i Stvorenim sadržajem (uključujući, ali ne ograničavajući se na, pravne naknade i troškove i druge izdatke).

6.3 Osiguranje i odgovornosti: MOK neće biti odgovoran za bilo kakvu radnju, propust, nemar ili loše ponašanje OKBIH i Grada Sarajeva ili Obaveznih trećih strana, ili za bilo koje osiguranje koje može biti potrebno ili poželjno za potrebe realizacije ovog Sporazuma, a posebno realizacije Godišnjice. OKBIH i Grad Sarajevo obezbjedit će svo potrebno i odgovarajuće osiguranje, posebno osiguranje od odgovornosti, osiguranje od profesionalne odgovornosti i, gdje je propisano zakonom, osiguranje za eventualnu odštetu radnicima, protiv svih rizika u vezi s realizacijom Godišnjice, u odgovarajućem iznosu za pokrivanje bilo kojih potraživanja trećih strana i agenata OKBIH i Grada Sarajevo, bez ograničenja u povodu lične ozljede, smrt ili tjelesne ozljede, ili gubitka ili oštećenja imovine, u vezi s ovim Sporazumom, a posebno u vezi sa realizacijom Godišnjice.

## 7. RAZNO

7.1 Prenosanje prava: Osim kako je ovdje navedeno, ovaj Sporazum neće biti prenošen od strane OKBIH ili Grada Sarajevo u cijelosti ili djelomično, bez prethodnog pisanog pristanka MOK-a.

7.2 Pridržavanje prava: Sva prava i mogućnosti koje nisu izričito dodijeljene ovim Sporazumom zadržava MOK.

7.3 OKBIH i Grad Sarajevo će proširivati, primjenjivati i provoditi uslove iz ovog Sporazuma u odnosu na Obavezne treće strane; te će potpisivati ili davati na izvršavanje sve dokumente i druge instrumente potrebne za dokazivanje ili potvrđivanje uslova iz ovog Sporazuma. OKBIH i Grad Sarajevo će, na zahtjev MOK-a, osigurati sve dokumente kojim se dokazuju ili potvrđuju da su uslovi iz ovog Ugovora primijenjeni u odnosu sa Obaveznim trećim stranama.

## 8. PRIMJENJIVI ZAKON I NADLEŽNOST

8.1 Ovaj Sporazum se primjenjuje i tumači u skladu sa zakonima Švicarske bez upućivanja na pravila o sukobu zakona.


8.2 Svaki spor koji proizlazi iz ili u vezi s tumačenjem ili primjenom ovog Ugovora ili njegovim kršenjem, a koji se ne može riješiti sporazumno, podnosi se isključivo Sportskom arbitražnom sudu u Lausanni (Švicarska) i konačno će se riješiti u skladu s Pravilima sportske arbitraže.

8.3 Strane se obvezuju pridržavati se navedenih Pravila sportske arbitraže i u dobroj vjeri izvršiti odluku koja će biti donesena. Jezik arbitraže je engleski. Ako iz bilo kojeg razloga Sportski arbitražni sud uskrati svoju nadležnost, spor će tada biti podnesen u isključivu nadležnost redovnih sudova nadležnih u Lausanni (Švicarska).

[KRAJ ANEKSA 1]



ANEKS 2- 40. Godišnjica obilježavanja Zimskih olimpijskih igara održanih 1984. U Sarajevu – amblem



1. MOK je, prije ovog akta, dao OKBIH i Gradu Sarajevo pravo da kreiraju, ili daju izraditi, "Amblem godišnjice", kako je reproducirano gore (uključujući njegov francuski prijevod), koji će podlijegati povratu prava i Ovlaštenja, kako je navedeno u Prilogu 1., članak 2.1. ovog akta.

2. MOK ovime potvrđuje da, u skladu s Odobrenjem, OKBIH i Grad Sarajevo i njihovi partneri mogu koristiti "Amblem godišnjice" uz odobrenje MOK-a za obilježavanje Godišnjice.

Isto tako, OKBIH i Grad Sarajevo priznaju i potvrđuju da će TOP partneri, partneri OKBIH i medijski partneri također imati pravo koristiti amblem Godišnjice za obilježavanje Godišnjice.

Gore navedeno sve podliježe odobrenju MOK-a. Svaka upotreba amblema Godišnjice izričito isključuje bilo kakvu direktnu ili indirektnu promociju bilo kojeg proizvoda, usluge, marke ili političke, vjerske ili rasne propagande treće strane. Radi izbjegavanja sumnje, nikakva oznaka, kao što je "službeni partner" ili uključivanje bilo koje vrste, tj. promocija proizvoda ili usluga, nije dopuštena, osim ako ne postoji izričiti ugovor između OKBIH i odgovarajućeg subjekta, tj. partnera OKBIH i/ili TOP partnera i/ili medijskog partnera.

U svrhu ovog akta:

(i) "TOP Partneri" znači grupa firmi koje učestvuju u MOK-ovoj najvišoj razini sponzorstva na međunarodnoj osnovi, trenutno poznatij kao "Program olimpijskih partnera".

(ii) "Partneri OKBIH" znači grupa kompanija koje su sudionici u lokalnim sponzorskim programima OKBIH i Sarajevo 1984.

(iii) "RHB" znači korporacija ili tijelo kojemu je MOK dodijelio pravo emitiranja i prikazivanja Olimpijskih igara na teritoriju putem jednog ili više medija/platformi, uključujući televiziju i internet;

(iv) "Lokalni medijski partner OKBIH" konkretno znači medijsku kompaniju ili grupu medijskih kompaniju koje su sudionici u lokalnom sponzorskom programu OKBIH na Teritoriju;

(v) i "Medijski partneri" zajedno označavaju RHB i lokalne medijske partnere OKBIH.

**[KRAJ ANEKSA 2]**

### **ANEKS 3 – 40. godišnjica Sarajevo 1984 PROGRAM MANIFESTACIJE**

Na osnovu člana 2. Odluke o formiranju Odbora za organizaciju obilježavanja 40. godišnjice Zimskih olimpijskih igara održanih 1984. u Sarajevu („Službene novine Kantona Sarajevo“, broj 34/23), Odbor za organizaciju obilježavanja 40. godišnjice Zimskih olimpijskih igara održanih 1984. u Sarajevu, na konstituirajućoj sjednici održanoj 04.10.2023. godine donio je

#### **Program obilježavanja 40. godišnjice ZOI 1984 Sarajevo**

##### **1. CILJEVI PROGRAMA MANIFESTACIJE**

- Kratkotrajno, a intenzivno stavljanje Sarajeva u centar medijske pažnje javnosti zainteresirane za olimpijski pokret, zimske i druge sportove, kulturne i umjetničke događaje
- Povećanje broja djece i mladih opredijeljenih zimskim spotovima, što veći broj rekreativaca
- Povećanje broj i vremena boravka turista u zimskoj sezoni u Sarajevu
- Povećan broj i površina sportskih i rekreativnih borilišta, primjereno sportskoj tradiciji il obilježju olimpijskog grada
- Optimalni uslovi za trening i takmičenje vrhunskih sportaša u zimskim sportovima tokom cijele godine
- Dostizanje vrhunskih sportskih rezultata u zimskim sportovima
- Povećan broj i kvalitet kulturno umjetničkih i drugih događaja u zimskoj sezoni u Sarajevu
- Etabliranje Sarajeva kao aktivne destinacije olimpijskog pokreta
- Doprinos razvoju vrhunskog sporta u Bošni i Hercegovini i Sarajevu

##### **2. SMJERNICE ZA IZBOR SADRŽAJA PROGRAMA**

- Memorija izvrsnog domaćinstva i organizacije olimpijskih igara prije 40. godina, ali i drugih domaćih i međunarodnih takmičenja, uključujući i Evropski olimpijski festival mladih prije pet godina u Sarajevu
- Promocija vrijednosti olimpijskog pokreta
- Promocija postignutih rezultata domaćih sportista na domaćoj i međunarodnoj sceni i podrška razvoju zimskih sportova u Sarajevu
- Motivacija djece i mladih za bavljenje zimskim sportovima u Sarajevu
- Promocija aktivnih zimskih sportskih borilišta i rekreativnih poligona u Sarajevu i poticanje njihovog daljeg razvoja
- Memorija i promocija postignutih sportskih rezultata u zimskim sportovima na poligonima u Sarajevu na domaćim i međunarodnim takmičenjima
- Motivacija mladih za sudjelovanje u organizaciji i realizaciji takmičenja u zimskim sportovima u Sarajevu
- Obogaćivanje sarajevske scene kulturnim, umjetničkim, obrazovnim i drugim sadržajima u zimskom periodu, posebno u periodu održavanja zimskih sportskih takmičenja
- Prikupljanje i memoriranje te periodično inoviranje informacija o Sarajevu, sportskim borilištima i rekreativnim poligonima za zimske sportove, smještajnim kapacitetima, komunalnoj i komunikacijskoj infrastrukturi i drugim potrebnim informacijama za prezentaciju grada kao domaćina velikim međunarodnim zimskim sportskim događajima
- Promocija Sarajeva kao destinacije zimskog sportskog i kulturnog turizma.

##### **3. PROGRAM MANIFESTACIJE**

###### **3.1. SPORTSKI PROGRAM**

Sufinansiranje sportskog programa u ukupnom iznosu od 100.000,00 KM koje će biti obezbjeđen u Budžetu Grada Sarajeva za sufinansiranje projekata organizatora pojedinih takmičenja, odnosno događaja.



Iznosi kojima će se finansirati pojedine manifestacije u sklopu sportskog programa zavise od doprinosa ciljevima programa manifestacije obilježavanja 40. godišnjice Zimskih olimpijskih igara održanih 1984 u Sarajevu Sportski program se planira kako slijedi:

#### 3.1.1. TAKMIČARSKI PROGRAM

- MEĐUNARODNO SKIJAŠKO TAKMIČENJE FIS KUP „DJECA ZA MIR U SVIJETU“  
Mjesto održavanja: Olimpijska planina Bjelašnica  
Organizator: Sarajevski skijaški klub „Sarajevo“
- MEĐUNARODNO FIS TAKMIČENJE U SNOWBOARDU „FIS KUP SARAJEVO 2024“  
Mjesto održavanja: Olimpijska planina Bjelašnica  
Organizator: Snowboard klub „Free Style“

#### 3.1.2. REVIJALNI PROGRAM

- SARAJEVO OLIMPIC WEEK  
Mjesto održavanja: Više lokacija  
Organizator: Udruženje za sport i rekreaciju „Altair“

#### 3.1.3. REKREATIVNI PROGRAM

- PROMOCIJA KARLINGA KAO NOVOG OLIMPIJSKOG SPORTA U BOSNI I HERCEGOVINI  
Mjesto održavanja: u zavisnosti od ledene plohe  
Organizator: Karling savez BiH sa nekim od klubova
- 3vs3 EX-YU FESTIVAL U HOKEJU  
Mjesto održavanja: Skenderija ili ZETRA  
Organizator: Hokejaški savez BiH

#### 3.1.4. EDUKATIVNI PROGRAM

- BESPLATNA ŠKOLA KLIZANJA  
Mjesto održavanja: Skenderija  
Organizator: KJP Centar Skenderija d.o.o.

### 3.2. MODULI MEMORIJE I PROMOCIJE

Sufinansiranje programa modula memorije i promocije, u ukupnom iznosu od 100.000,00 KM, će biti obezbjeđeno u Budžetu Grada Sarajeva.

Iznosi kojima će se finansirati pojedini sadržaji u sklopu ovog dijela programa, zavise o doprinosa ciljevima programa manifestacije obilježavanja 40. godišnjice Zimskih olimpijskih igara održanih 1984 u Sarajevu sa manifestacijom.

Elementi ovog dijela programa su sljedeći:

#### 3.2.1. AKADEMIJA U POVODU OBILJEŽAVANJA OTVARANJA SARAJEVO ZOI 84

Organizator: Grad Sarajevo u saradnji s OK BiH

#### 3.2.2. IZRADA I POSTAVLJANJE UMJETNIČKE INSTALACIJE POD NAZIVOM „SARAJEVO OLYMPIC JOURNEY“

Organizator: Udruženje „KULTURAMEDIA“

#### 3.2.3. IZRADA I PROMOCIJA PUBLIKACIJE O RAZVOJU ZIMSKIH SPORTOVA TE OBNOVI I RAZVOJU BORILIŠTA OD ODRŽAVANJA ZOI 84. GODINE DO SADA (MULTIMEDIJALNA)

Organizator JU „Gradski muzeji“ Sarajevo

#### 3.2.4. IZLOŽBA NA TEMU 40 GODINA OD ZOI 84 (dani otvorenih vrata – Olimpijski muzej)

Organizator JU „Gradski muzeji“ Sarajevo

#### 3.2.5. PROTOKOLARNE AKTIVNOSTI

Pozivanje i domaćinstvo domaćim i stranim gostima da prisustvuju događajima iz programa (predstavnicima Međunarodnog olimpijskog komiteta i nacionalnih olimpijskih komiteta s kojima Olimpijski komitet BiH ostvaruje kontinuiranu saradnju, predstavnicima međunarodnih asocijacija zimskih sportova, sportisti koji su osvojili značajna postignuća u zimskim olimpijskim sportovima, i drugi gosti)

Organizatori: Olimpijski komitet BiH

Grad Sarajevo

#### 3.3. KULTURNO – UMJETNIČKI I DRUGI SADRŽAJI

Sufinansiranje organizacije ovog dijela programa iz Budžeta Grada Sarajeva se planira u iznosu od 100.000,00 KM. Navedena sredstva će biti raspoloživa putem javnog poziva koji Grad Sarajevo planira raspisati.

#### **4. RAZVIJANJE PROGRAMA**

Program obilježavanja 40. godišnjice Zimskih olimpijskih igara održanih 1984. godine u Sarajevu nije konačan te će se dopunjavati i mijenjati po realizaciji planiranog Javnog poziva. Također, podložan je izmjenama do kraja tekuće godine, a u zavisnosti od obezbjeđenja potrebnih uslova i sredstava za realizaciju predloženih projekata od organizatora, odnosno realizaciju novih projekata te dinamici njihove realizacije.

PREDSJEDAVAJUĆI OO 40 - ZOI 84 SARAJEVO

Jasmin Ademović

**[KRAJ ANEKSA 3]**